



Broj: 02-02-2103/22
Lukavac, 14.06.2022. godine

Na osnovu člana 108., a u vezi sa članom 41. Statuta općine Lukavac – prečišćeni tekst („Službeni glasnik općine Lukavac“, broj: 5/08 i 1/14), Budžeta Općine Lukavac za 2022. godinu („Službeni glasnik Općine Lukavac“, broj: 2/22), Odluke o izvršenju budžeta Općine Lukavac za 2022. godinu („Službeni glasnik Općine Lukavac“, broj: 2/22), Odluke o izmjeni i dopuni Odluke o izvršenju budžeta općine Lukavac za 2022.g. („Sl. Glasnik Grada Lukavac“ broj: 3/22), a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sl. Glasnik Grada Lukavac“ broj: 1/22), Strategije za razvoj sporta općine Lukavac 2022-2027 („Sl. glasnik općine Lukavac“, broj: 2/22), člana 10. Pravilnika o načinu i postupku raspodjele sredstava za programe i projekte iz oblasti sporta koji se finansiraju ili sufinansiraju sredstvima Budžeta Općine Lukavac („Službeni glasnik Grada Lukavac“, broj: 3/22), i Pravilnika o kriterijima za kategorizaciju sportskih kolektiva sa područja Grada Lukavac („Službeni glasnik Grada Lukavac“, broj: 2/22), Gradonačelnik objavljuje

JAVNI POZIV za kategorizaciju sportskih klubova na području grada Lukavac

Član 1.

Objavljuje se javni poziv za vrednovanje i kategorizaciju sportskih klubova sa područja grada Lukavac.

Kategorizacija sportskih klubova će biti osnov za institucionalnu podršku i raspodjelu sredstava za razvoj sporta na području grada Lukavac, planiranih Budžetom Grada Lukavac za 2022. godinu.

Iznos raspoloživih sredstava planiranih za ovu namjenu je utvrđen na sljedećim ekonomskim kodovima u Budžetu Grada Lukavac:

Ekonomski kod 6141222 – Sportski savez i ostali značajni klubovi

Ekonomski kod 61412284 – Savez za sport i rekreaciju osoba sa invaliditetom

Član 2.

Pravo na dodjelu sredstava mogu ostvariti Sportski klubovi sa područja grada Lukavac koji ispunjavaju opće uslove (u daljem tekstu: aplikanti).

OPĆI USLOVI:

- (1) da je klub registrovan u skladu sa odredbama Zakona o udruženjima i fondacijama FBiH,
- (2) da je klub registrovan u skladu sa Zakonom o sportu Tuzlanskog kantona, i da je rad istog prilagođen odredbama ovog Zakona
- (3) da je klub uključen u redovan sistem takmičenja u okviru granskog nadležnog Saveza,
- (4) da je zahtjev sa programom – projektom, podnesen u naznačenom roku i na propisanom obrascu,
- (5) da ima transparentno finansijsko poslovanje i izvještavanje (dostavljen izvještaj bilansa stanja i bilansa uspjeha za prethodnu godinu),
- (6) da je dostavio izvještaj i opravdao utrošak dodijeljenih sredstava za protekli period, odnosno za prethodno odobrene projekte.

Član 3.

Sportski klubovi koji ispune uvjete iz člana 2 i blagovremeno predaju aplikacioni obrazac sa potrebnim dokumentima ostvarit će pravo na sufinansiranje sportskih djelatnosti.

Član 4.

Iznos finansijskih sredstva koji će se dodijeliti sportskim kolektivima po ovom osnovu odredit će se proporcijom na osnovu osvojenih bodova kategorizacijom u odnosu na ukupno raspoloživa sredstva za ovu namjenu, pri čemu će se voditi računa o kategorizaciji klubova i o potraživanom iznosu sportskih kolektiva.

Član 5.

Iz odobrenih budžetskih sredstava aplikanti mogu finansirati:

Primarne troškove:

1. Troškovi za realizaciju trenažnih aktivnosti: obezbjeđivanje sportskih terena za realizaciju sportskih aktivnosti,
2. Troškovi za realizaciju takmičarskih aktivnosti: članarine i registracija klubova i sportista u nadležne saveze, kotizacije za učešće u takmičarskim aktivnostima, itd.,

Sekundarne troškove:

3. Troškovi sufinansiranja stručnih lica neophodnih za realizaciju sportskih djelatnosti, prevoz na turnire, prenočište i ishrana itd., u skladu sa zakonom.
4. Ostali troškovi koji se odnose na sportske stipendije, naknade sportistima, opremu, itd., u skladu sa zakonom.

Sportski kolektivi prve i druge kategorije, dodijeljena budžetska sredstva mogu utrošiti i na sekundarne troškove, samo ukoliko su prethodno obezbijeđena sredstva za primarne troškove. Sportski kolektivi nižih kategorija, dodijeljena budžetska sredstva mogu utrošiti samo na primarne troškove.

Sportskim kolektivima viših kategorija nije dozvoljeno dodijeljena budžetska sredstva utrošiti na djelatnosti sekundarnih troškova i nižih prioriteta ukoliko za djelatnosti primarnih troškova i viših prioriteta nisu prethodno obezbijeđena finansijska sredstva.

Sportski kolektivi koji nakon vrednovanja budu kategorizirani u prvu i drugu kategoriju, prema kategorizaciji vrednovanja klubova, imaju obavezu od redovnih sredstava ostvarenih po osnovu kategorizacije klubova, dodijeliti minimalno jednu stipendiju istaknutom članu kluba, učeniku ili studenatu, na osnovu ostvarenih sportskih rezultata, u iznosu stipendije od 50,00 KM mjesečno ili u jednokratnom iznosu od 450,00 KM za cijelu školsku godinu za učenike, i 100,00 KM mjesečno ili u jednokratnom iznosu od 900,00 KM za cijelu akademsku godinu za studente, uz saglasnost nadležne Službe, u skladu sa zakonom, te su obavezni nadležnoj Službi dostaviti izvještaj sa priloženom dokumentacijom o isplati stipendija.

Član 6.

Aplikanti kojima budu odobrena finansijska sredstva za sufinansiranje sportskih djelatnosti su dužni u roku od 30 dana od dana realizacije aktivnosti opravdati dodijeljena sredstva, a najkasnije do 31. decembra tekuće godine, u suprotnom su dužni izvršiti povrat istih.

Član 7.

Gradonačelnik će posebnim rješenjem imenovati Komisiju za provođenje postupka po Javnom pozivu za kategorizaciju sportskih klubova na području grada Lukavac.

Član 8.

Komisija za provođenje postupka po javnom pozivu za kategorizaciju sportskih klubova na području grada Lukavac će prvo provjeriti da li pristigla aplikacija zadovoljava opće uslove.

Uz Aplikacioni obrazac aplikanti koji su upisani u Registar sportskih organizacija Grada Lukavac, dostavljaju Godišnji plan i program rada sa finansijskim planom i Uvjerenje o članstvu u nadležnom granskom savezu za 2021/22. godinu.

Aplikanti koji još uvijek nisu upisani u Registar sportskih organizacija Grada Lukavac, za ovaj Javni poziv su obavezni dostaviti dokumentaciju kojom se dokazuju Opći uvjeti Javnog poziva:

- 1. kopiju važećeg rješenja o registraciji organizacije u BiH**
- 2. kopiju završnog godišnjeg finansijskog izvještaja za proteklu godinu (dokument bilans stanja i bilans uspjeha) koji je ovjeren od strane nadležne agencije za finansijsko poslovanje i licenciranog i ovlaštenog knjigovođe,**
- 3. Uvjerenje o poreskoj registraciji - ID broj,**
- 4. Kopiju Statuta sportske organizacije**
- 5. Godišnji plan i program rada sa finansijskim planom**
- 6. Uvjerenje o članstvu u nadležnom granskom savezu za 2021/22. godinu**

Svi dokumenti mogu biti u formi kopije ovjereni pečatom aplikanta, a po potrebi originalni dokumenti mogu biti traženi na uvid.

Nakon provjeravanja Općih uvjeta Javnog poziva, Komisija će sportske klubove vrednovati na osnovu posebnih uvjeta kriterijima iz Pravilnika o kriterijima za kategorizaciju sportskih kolektiva sa područja grada Lukavac („Službeni glasnik Grada Lukavac“, broj: 2/22).

Član 9.

Sportski klubovi će se vrednovati prema sljedećim kriterijima:

1. Tradicija,
2. Najveći sportski domet,
3. Masovnost,
4. Broj reprezentativaca kluba
5. Broj selekcija uključenih u redovna takmičenja,
6. Broj trenera sa odgovarajućom stručnom spremom,
7. Mogućnost sudjelovanja u klubu za osobe sa invaliditetom,
8. Mogućnost sudjelovanja u klubu za osobe oba spola,
9. Subvencije učešća za socijalno ugrožene kategorije,
10. Trenutni sportski domet u vrhunskom sportu
11. Trenutni sportski domet u kvalitetnom sportu
12. Sistem takmičenja
13. Aktivan rad rukovodstva i upravnog odbora kluba
14. Učešće u organizovanom sistemu takmičenja/članstvo u granskom krovnom Savezu

POSEBNI USLOVI ZA DOKAZIVANJE:

1. Rješenje o prvoj registraciji sportskog kluba
2. Uvjerenje nadležnog granskog saveza o najboljem rezultatu sportskog kluba postignutog od osnivanja
3. Uvjerenje nadležnog granskog saveza o broju članova sportskog kolektiva sa imenima, prezimenima i JMB članova, polisa zdravstvenog osiguranja i ljekarski pregled sportista u prethodnoj takmičarskoj godini sa imenima, prezimenima i JMB članova
4. Uvjerenje nadležnog granskog saveza o broju reprezentativaca kluba u prethodnoj takmičarskoj godini sa navedenim imenima i prezimenima
5. Uvjerenje nadležnog granskog saveza o broju selekcija uključenih u redovna takmičenja,
6. Dokaz o broju trenera sa odgovarajućom stručnom spremom iz oblasti sporta (ugovori, diploma o stručnoj spremi, uvjerenja), sa navedenim imenima i prezimenima stručnih lica
7. Dokaz o mogućnosti sudjelovanja u klubu za osobe sa invaliditetom (ovjeren spisak članova osoba sa invaliditetom),
8. Ljekarski pregled/Polisa zdravstvenog osiguranja, uvjerenje granskog saveza ili neki drugi važeći dokument sa imenima članova,
9. Izjava o subvenciji učešća za socijalno ugrožene kategorije, Dokazuje se ovjerenim spiskom sa imenima i prezimenima članova koji imaju subvencije učešća, uz potpis članova ili roditelja istih ukoliko su u pitanju maloljetna lica
10. Uvjerenje nadležnog granskog saveza o sportskim rezultatima iz prethodne takmičarske godine, sa priloženim biltenima i žrijebnim listama na kojima je vidljiva konkurencija
11. Uvjerenje nadležnog granskog saveza o sportskim rezultatima iz prethodne takmičarske godine, sa priloženim biltenima i žrijebnim listama na kojima je vidljiva konkurencija
12. Uvjerenje nadležnog granskog saveza sistemu takmičenja u kojem se Klub takmiči

13. Dokaz o aktivnosti rukovodstva i upravnog odbora kluba (Ugovori o sufinansiranju sa višim nivoima vlasti, Ugovori sa sponzorima, Izvodi iz banaka o donacijama, ljekarski pregledi sportista, polisa zdravstvenog osiguranja sportista..)
14. Uvjerenje nadležnog granskog saveza o članstvu u granskom krovnom Savezu (Bodovat će se samo uvjerenja krovnog državnog granskog saveza. Uvjerenja nižih nivoa koristit će se kao dokaz o učešću u organizovanom sistemu takmičenja i eliminatornog su karaktera).

Komisija po potrebi određene podatke može pribaviti po službenoj dužnosti.

Pored dokumenata kojim se dokazuju posebni uslovi za vrednovanje, Klubovi su obavezni dostaviti Godišnji plan i program rada sa finansijskim planom i okvirno potrebnim sredstvima za realizaciju Godišnjeg programa.

Član 10.

Komisija će nakon vrednovanja sportskih klubova, sačiniti rang listu i svrstati klubove u vrijednosne kategorije, na osnovu čega će sportski savezi utvrditi iznos sredstava po vrijednosnim kategorijama i klubovima unutar kategorija proporcijom na osnovu osvojenih bodova u odnosu na ukupno raspoloživa sredstva za ovu namjenu, uz saglasnost nadležne Službe, poštujući hijerarhijski redoslijed kategorija i klubova, i potraživanja istih, nakon čega će se sredstva Odlukom Službe za društvene djelatnosti i upravu uz saglasnost Gradonačelnika uplatiti sportskim savezima/sportskim klubovima u jednoj ili više mjesečnih tranši nakon potpisivanja ugovora sa istim.

Član 11.

Ovaj Javni poziv će biti objavljen na web stranici Grada Lukavac i na Oglasnoj ploči Grada Lukavac (šalter sala Gradske uprave), i biti će otvoren 21 dan od dana objavljivanja.

Član 12.

Prijava se podnosi na Aplikacionom obrascu kojeg propisuje nadležna Služba, a koji se može preuzeti na web stranici Grada Lukavac www.opcina.lukavac.ba.

Član 13.

Prijave na Javni poziv sa potrebnom dokumentacijom u zatvorenoj koverti slati na adresu :

GRAD LUKAVAC
Služba za društvene djelatnosti i upravu
Trg slobode broj 1. 75300 Lukavac
sa obaveznom naznakom:

**„Prijava na Javni poziv za kategorizaciju sportskih klubova i raspodjelu sredstava za razvoj kvalitetnog i vrhunskog sporta na području grada Lukavac“
„Ne otvarati“.**

ili lično u šalter Sali Gradske uprave Lukavac svakim radnim danom od 07.00-15:30 sati.

PO OVLAŠTENJU GRADONAČELNIKA
broj:02-30-90/22 od 07.03.2022. godine
Šef odsjeka za upravu
Zlatan Žigić, dipl. pravnik

GRADONAČELNIK
dr. sc. Edin Delić

Dostaviti:

1. Gradonačelnik
2. Oglasna ploča 2x
3. Služba za društvene djelatnosti i upravu,
4. Evidencija 2x,
5. a/a